

# ՆՈՐՋՈՒՂԱՅԱԿԱՆ

(Անաւարտ էլեգիա)

ԳՐԻՇ ԴԱԻԹԵԱՆ

Հին Իրանի անուշ մովում  
Աղօտացող իմ քաղաք,  
Զնգում էիր այն օրերում  
Որպէս ծնծղայ ու զանգակ:

Ու հայաբառ էր քո երգը,  
Որ մե՛ր երգն էր ու խօսքը,  
Այգիների մեր լի բերքը,  
Առատութեան հորդ հոսքը:

Գետառի պէս անսպառ էր,  
Մէջքին կամուրջներդ հին,  
Մեր պապերի ու նաեւ մեր  
Կառուցած շէնն ու ուղին:

Տպարան ու գրադարան,  
Դպրոցները կրթութեան,  
Ընկերային կեանքով լեցուն  
Ակումբ ու բէմ պատուական:

Սպահանի դու Եւրոպան,  
Այնպէս գողտրիկ ու սիրուն,  
Անդորր կեանքի մեր օթեւան  
Իրանական սուրբ հողում:

\* \* \*

Նոր Ջուղան է հայաբնակ, դարաւոր,  
Սպահանի հարաւում,  
Զայեանդեռող գետի ափից  
Մինչեւ փէշերն Սոֆի սարի մթնադէմ,  
Ընկողմանած, ընդարմացած մի եղէմ:

Հայաշխարհի մի ինքնատիպ գաղթօջախ,  
Դարպասներով պինդ պատնէշւած.  
Բայց դարի հետ դարն ապրելով,  
Դարպասներն էլ խոնջ փլել են  
Քսաներորդ դարի դիմաց:

Հիմա չկան դարպասները հինաւորց.  
Չկայ հայահոծ համայնքը անցեալի:  
Վեր են միտուած գմբէթները պարսկաոճ,  
Բայց խաչակիր,  
Նոր Ջուղայի տասներկու ժամերի  
Ու Վանքի.  
Եւ հայկական զանգակատան սլացքով

Զրնգում են նրանց զանգերը ձայնեղ  
Առավօտեան լուսաբացին,  
Երեկոյան արեւմարի ժամերգութեամբ սրբագին:

Մոֆի սարը  
Հարաւային հորիզոնն է պատուարում,  
Փառակն ի վար  
Շիրիմների տապաններով ծածկւած  
Հանգստարանն է  
Հեռացած սերունդների բիրաւոր,  
Որ Ձագյարոյց Դամբարանի  
Շուրջբոլորն են թափթփւած.  
Հազարաւոր նաշխաքանդակ տապաններ,  
Ուր պահուում են  
Յիշատակներ սրբազան,  
Նաեւ մի հին պատմութիւն,  
Մեր պապերի,  
Ու պապերի էլ նրանց.  
Նոր Ջուղայի պատմութիւնը,  
Սկիզբ առած Ջուղայից,  
Նախիջեւանեան Ջուղայից նոյահիմն,  
Եկած հասած Նոր Ջուղա,  
Ու պահ դրւած  
Մուրբ Ամենափրկչեան Վանաց  
Աւանդատան թարեքներում զառամած:

Անհաշւելի երանգների պերճանքով է պճնւած  
Մուրբ Ամենափրկիչ Վանքը,  
Աւանդատան հարստութեամբ,  
Հին ձեռագիր մատեաններով  
Ու Մատենադարանով հին,  
Թանգարանով եզական,  
Միջարեւելքի առաջին  
Իր անդրանիկ տպարանով հայկական:

\* \* \*

Ես ծնւել եմ քո գրկում,  
Որ Նոր Ջուղան ես եղել,  
Հայաստանն ես եղել դու...  
Իրանի հին, լայն գրկում...  
Մպահանի հարաւային ջերմոցում  
Քո սիրով ես ինձ սնել,  
Զգացումներով խորին,  
Գեղարւեստով, դասականութեամբ նորին...  
Միս ու ոսկոր ես պարգեւել գոյութեանս,  
Որ ոռոգւել է իմ արեամբ հայրենական,  
Հայկական,  
Որ ընդունել ես հաշտութեամբ,  
Այլեւ ըմբռնողութեամբ,

Առաստօրէն ջերմացրել ես  
Իրանական արեւով,  
Այլեւ քո թանկ շնորհներով պատուական:

Դու ես եղել զօրաւորը,  
Ես եղել եմ ենթական,  
Չեմ ունեցել ընտրութեան իսկ պերճանքը,  
Որպէս մանուկ անճարակ,  
Որ արագիլը սուրհանդակ,  
Տոպրակը կախ կտուցից  
Կատարել է  
Ծէսն յանձնումի գերագոյն:

Արդէն գիտենք բոլորս՝  
Արագիլներն են տոպրակով  
Նորածիններին բերում:  
Իսկ այնտեղ,  
Ուր արագիլներ չկան,  
Բազարից գնւած շաքարի  
Տոպրակներից են հանում  
Մանուկներին նորածին:  
Այս վերջիններից եմ եղել ես  
Երջանիկ:

Ես յիշում եմ համայնքային մեր կեանքը  
Իր ներամփոփ կառոյցով,  
Աւանդական սովորոյթներով հարուստ,  
Պարզ, հարազատ,  
Հանդիսաւոր օրերով,  
Լի օրերով,  
Վայելումով ընտանեկան, հանրային:

Գարունները բացում էին  
Նարգիսների ոսկեբաժակ արբունքով,  
Որի ցօղով արբում էին  
Մեղունները մեղրածոր:  
Մախմուր վարդեր,  
Մանուշակներ կապտաթեր  
Բուրում էին ծաղկումների հորդումով,  
Նշենիները վաղ էին հարսնանում...  
Մեր մեծ բակը դորդում էր  
Պատանեկան իմ խաղերի խենթութեամբ:

Ամառները արեւաշատ շոգերով,  
Քաղցր մրգերի հասունութեամբ  
Պարտեզները բերքաւոր,  
Այգիները բեղմնաւոր,  
Հասնում էին աշնանային լի կուրծին:

Մեր պարտեզի կեռասենու ճիւղերից  
Ճնճղակեր կեռասները  
Ուտում էի ախորժով...  
Հասնում էի ընկուզենու բարձրերը...

Մեր այգում  
Թարմաների վրայ հեծ  
Արեւաջերմ խաղող էի վայելում...

Ես յիշում եմ յունւարեան ցուրտ օրերը,  
Երբ ձիւնում էր  
Պատանութեան ցնծութեամբ,  
Ճերմակ սաւանը ծածկում էր  
Տուն ու պարտեզ ու այգի,  
Մինչեւ, մինչեւ Սոֆի սարի գագաթը:

Առաւօտեան ձմեռային սեւ ագռաների տարմը,  
Կոկոռոցով հաւաքում էր չինարիների վրայ,  
Ծածկում ամբողջ մերկ ճիւղերը.  
Ապա ընդոստ, հաւաքական մի թիռով  
Ողջ երամը թեւածում էր արեւմուտ,  
Մի համօրէն կոկոռոցով  
Մութ ստերով հետամուտ...  
Յետոյ օրայ երեկոյեան  
Տարմը դառնում էր նորից,  
Մայրամուտի ցոլքերի հետ  
Յւրելով արեւելք:  
Աւանդական ու օրհնւած ընտանիքում,  
Տնում, բակում ու պարտեզում եմ աճել,  
Հասակ առել...

Երբեւէ չի պատահել,  
Որ մոլորւեմ  
Նոր Ջուղայի ծառուղիներում հողոտ,  
Նեղ ու փոշոտ քուչերում,  
Քանգի դրանք գծագրւած են եղել  
Իմ ծիներում...

Արդարեւ,  
Ծոռոկ երկիրն ինձ ընդունել էր միայն  
Որպէս փոքրամասնութիւն:

Նժդեհական վիճարկումների բովում  
Պատկանելութեան կարօտով  
Երբ էլ մոլորւել եմ ես,  
Թափառել եմ տարածքներում,  
Մեր տնից՝ Վանք, Շիրախանի փողոցով,  
Ու Նազարի պողոտայով,  
Վանքից՝ Կենտրոնական Դպրոց,

Առագլուխ, ապա Քանանեան դպրոց,  
Երբեմն էլ գրադարան.  
Երեկոյեան՝ Հայոց Ակումբ...  
Այդ ճամփեքում,  
Պտոյտներում այդ ծանօթ,  
Թափել եմ  
Մոլորութիւններս փշրանք առ փշրանք,  
Մաքրել եմ կասկածներից հոգեհան:

Զգացել եմ այդ երբ որ  
Դառնութիւնը բերանիս  
Քաղցրութեան է փոխարկել,  
Որ կեանքի համն է համով...  
Պանդխտութեան դառնութիւնը  
Փոխարինել է հայկական քաղցրութեամբ,  
Իրանական աշխարհում:

Եւ հայկական իմ արիւնը  
Մնել է  
Իրանական արեւում:  
Այդտեղից եմ զանազանել  
Հայրենիքը՝  
Ծննդավայրից բնիկ.  
Հարազատութիւնը՝ որդեգրումից,  
Պատկանելութիւնը՝ վերագրումից:  
Դրանք հասարակ բաներ չեն,  
Կենսական ու կարեւոր են եղել դրանք  
Իմ ողջ կեանքի հաճոյքում:

Միրել եմ քաղցրութիւնը  
Զտութեամբ ու մաքրութեամբ,  
Որի վճիտութիւնը  
Զուլալութիւնը անոսր,  
Նւիրումս են ջրդեղել  
Հանց ամբութիւն անառիկ,  
Խօսքիս նման անմիջական,  
Մտերմութեան պէս անկաշառ,  
Անանձնական համօրէն:

Անձնականը եղել են՝  
Ընտանիքը սիրասուն,  
Ընկերները մտերիմ,  
Միութիւնները հայութեամբ ակադձուն,  
Ու երբեմն էլ ձանձրալի,  
Ուր հանդիպել եմ բոլորին,  
Բազմաթիւներին սիրել,  
Միրահարւել եմ մէկին:  
Մեր միութեան կենտրոնը  
Կոչում էինք Այգեստան:

Իբր թէ գաղտնի էր այն,  
Բայց ողջ համայնքը գիտէր.  
Մենք էլ գիտէինք՝ գիտեն,  
Եւ համարում էինք՝ իբրեւ չգիտեն:  
Այդպիսին էր մեր իմացած պատշաճը,  
Գաղտնիացման մի պարզունակ դրածքով:

Ու կար նաեւ  
Հայերէնի երեկոյեան դասընթաց,  
Որին մասնակցում էինք  
Խանդավառութեամբ անանց.  
Այնպէս՝ տղայ ու աղջիկ ողջ համատեղ,  
Որ նոյնը չէր դպրոցներում պետական,  
Նախկին՝ հայոց,  
Բայց գրաւած, պետական,  
Պարսկապետական դպրոցներ,  
Իսլամական օրէնքով  
Տարբաժանուած ըստ սեռի:  
Ամենայն օր, առաւօտեան  
Կարգով շարւած,  
Կանգնում էինք աղօթքի,  
Պարսկերէնով, իսլամական աղօթքի,  
Որպէս էինք՝ ուրբաթապահ  
Հայ քրիստոնէայ խեղճ մոնթեր...

Հայերէնի երեկոյան դասընթացը  
Սրտագինն էր մեր համար:  
Հայկական այդ տարածքներում էին լինում,  
Պատահում,  
Ընկերական միջադէպեր,  
Դպրոցական գորշ դասերի սերտումներ...  
Փողոցային խաղերի  
Գզտոտոցներ աղմկոտ,  
Պարմանական պատմութիւններ սիրային.  
Միւտոցներ հեշտայի,  
Պահպանողական, սրտագին,  
Զգուշութեամբ, վախիւխելով,  
Նոյնիսկ խեղճ...  
Բայց զօրաւոր էին սեր ու նւիրում,  
Ու զօրաւոր էին բախում  
Մեր սրտերը սիրախում...

Իրար աչքի էինք նայում պարզութեամբ.  
Զգացումը վճիտութեամբ էր հոսում  
Վարք ու բարքից մեր սազական,  
Պարմանական բռնկումով անբասիր,  
Վստահութեամբ անբեկում:

Եւ օրերի արեւի տակ,

Գիշերների շաքում,  
Միրաբանում էինք տոհմիկ մաքրութեամբ,  
Բանաստեղծականութեամբ,  
Գգանքներով կարօտագին  
Ներամփոփուած համայնքում.  
Երբէք գաղտնի չէին մնում  
Պարմանական գաղտագողի սերերը.  
Բացում էին գաղտնիքները  
Բայց համարում էինք գաղտնի,  
Պահում էիք որպէս գաղտնիք:  
Դա էլ իր համը ուներ...

Ու առաջին իմ սերը՝  
Կանաչ աղջիկ մի լուսէ,  
Բարձրահասակ, նրբիրան,  
Փուխը շուրթերով ատլասէ,  
Հասմիկների բուրմունքով,  
Մեւ մազերի հոսանուտով գրգարան:

Շարմաղ աղջիկը սեթեւես ու գերող,  
Աչքերի լուրթ անհունութեամբ,  
Կոնքերի մարմար կորութեամբ,  
Անուշութեամբ, քաղցրութեամբ:

Նաեւ ճերմակ աղջիկը,  
Հեռից հեռու ցանկալի,  
Որ երագի նման անցաւ մեղսալի:

Անցնում էինք բոլորս նոյն ճամփէքով,  
Դպրոցական տարեվերջի քննութեան  
Մերտումներով Նորաշէնում, մուլքերում,  
Դասընթացով նոյնական,  
Մարգադաշտով, ակումբով,  
Հասնում էինք ընկերական հաւաքոյթի,  
Հանդէսների, գգանքների սիրային:  
Հասունանում էիք մենք:

Երագները յաճում էին եթերում,  
Լուսադէմի քաղցր ու փախուկ երագներ,  
Որ համբոյրի նման հպում շուրթերիս,  
Ու ցնդում են, ջերմը թողած շուրթերիս:

Լուսաբացի խաղարկութեամբ շողերի  
Առաւօտը ծագում էր Նոր Ջուղայում,  
Ճառագայթները հանց գունեղ վրձիններ  
Լոյսի շերտեր էին ներկում  
Վանքի ողորկ գմբէթին,  
Ու պատկերում մի բարի օր  
Նոր Ջուղայի ծուփ գրկում...

Մեր փողոցի բարդիները շնկում էին,  
Մեր պարտեզի վարդենիները բուրում,  
Եւ յանձնում էի ես  
Երիտուրեան հովերին,  
Որ կեանքն էր սիրելի,  
Զգիտակցող, էժանագին, կարճատեւ:

Հեքիաթների մէջ բոլոր  
Վստահաբար այդ հեքիաթն է սիրելի  
Իմ համար, ու բոլորի:  
Այդպէս էր,  
Նոր Ջուղան էր,  
Մերն էր ու մենք էինք լոկ...  
Օտար չկար բնաւին...

Բայց... պատահեց, որ մերը...  
Իմը... չեղաւ...  
Ու չեղաւ  
Մերնդակից ընկերներից ոչ ոքի...  
Ու հեռացանք... հեռացայ...  
Խորթացայ ու... խորթացանք...

Դա պատահեց խոր կսկիծով,  
Խոր կարօտով... խոր սիրով...  
Վարք ու բարքի  
Ու հաւատքի ջոկութեամբ...  
Կեանքի երկաթեայ պահանջով...  
Սրտամբնուող մղկտոցով,  
Նոր Ջուղայի երեկոյեան թանձրութեամբ,  
Երբ մայր մտնող արեւը  
Մանուշագոյն էր օծում իմ խոհերը,  
Մտածումներս գունեղ.  
Երբ ժամերի զանգակների դողանջը  
Թաղից թաղ էր մատուցում  
Մուրբ Պատարագ,  
Ինձ մօտեցնում Աստծուն...  
Որ ես թէեւ թերիմացի վարանքով,  
Բայց միշտ էլ  
Հաւատացեալ եմ եղել:  
Թէեւ սէրս ու կարօտս  
Մղկտում են դեռ լրին,  
Թէեւ երեկոները  
Մանուշագոյն ծիւնով են երանգում  
Յիշողութեան հեռուները սիրելի,  
Թէեւ յուշեր են թեւ առնում  
Դէպի նեղիկ քուչեքը...  
Խորթացումը իմ, սակայն,  
Փոքրամասնութեան հանգոյցով



Հեռացումը իմ անդարձ,  
Ընդարմութեան են հասցրել փոյթերս.  
Ափսոսո՛ւմ եմ,  
Բայց փոյթս չէ՛ այլեւս...  
Ու կարօտում եմ միայն...  
Զգացումից ծանրացող իմ խոր հեւքը  
Չայնարկում է դողանջներ...

Ինչո՞ւ, ինչո՞ւ փոյթս չէ...  
Որ պատահեց խորթացումը...

Ծննդավայր սիրելի,  
Չարժանացայ որդեգրումիդ, ինչո՞ւ...  
Փոքրամասնութեան խտրող գիծ  
Ինչո՞ւ... ինչո՞ւ քաշեցիր...  
Օրէնքներդ ինչո՞ւ եղան խիստ, խտրող...  
Ինչո՞ւ չորդեգրեցիր մեզ...  
Խորթացա՛յ ես...  
Խորթացանք մենք...  
Ամբողջ սերո՛ւնդ խորթացաւ...  
Իսկապէս ողջ, հո՞ծ սերունդնե՛ր խորթացան...

Ամբողջական իմ ցնծութեան,  
Մեր մանկութեան,  
Պարմանութեան,  
Երիտութեան անցեալը  
Անտէր մնաց,  
Մնաց որբ...  
Թափուած այնտեղ, մայթերում,  
Փռչիացող որպէս խաշամ...  
Ապագայիդ անհաղորդ...

Ինչո՞ւ... ինչո՞ւ մեր անցեալը  
Քո ներկայից խորթացաւ...  
Ապագայի արեւիդ մէջ  
Չի ունենայ ոչ մի ցոլք...  
Այլ կը մնայ լոկ մի կարօտ,  
Լոկ մի յուշ ու պատմութիւն...

Է՛ր, որ էինք...  
Որ էլ չենք...  
Նոր Զուղայի սրտից ելած,  
Աւա՛ղ, նրանք էլ չենք...

Գլենդել, Կալիֆորնիա  
2007-09-07 / 2008-02-28

(Դասական ուղղագրութեան վերածւած)